



UNIVERSITÄTS-
BIBLIOTHEK
PADERBORN

Phosphorvs sive Ioannes Baptista nativitas, vita, mors

Cabilliau, Baudouin

Lovany, 1642

Elegia 2. Herodiadis descriptio.

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)

Iam draco blanditur tumidas vbi sibilat iras,
 Et leo blandus amat, dum ferus arma fremit,
 Quamlibet omnigeni grassentur ad arma furoris,
 Vnicus hic vincit omnia monstra furor.
 Quam reliquis placat fusi vis larga cruoris.
 Hoc cruor effusus flammam in hoste sitim.

(a) Rhalaris, Busiris, Diomedes, Scinis, Procustes
 crudeles tyranni vel pradones.

(b) Astyages ultimus Rex Medorum Harpale
 filium suum ferali ferculo apposuit.

Elegia 2.

Herodiadis descriptio.

Lena Venus blando fera parturit ore Leenam,
 Qualis in Isacio non fuit vlla solo.
 Et parit, vt peperit, crescit furor asper alumnae,
 Lugubre par matri crimen alumna parit.
 Nempe suo Regina placet sed adultera, regi,
 Isaciden Helenam sic Paris alter amat.
 Vnde truces circum volitat fera cura Megaras,
 Lior, & anguineis quæ viret ira comis.
 Insidia, & fraudes, nec inopportuna furori
 Ambitio, castum nescia ferre iugum.
 Hinc sitis, vt crudâ bibat hostis vtrunque saluâ,
 Lugubre quod stillat sica cruenta, merum.
 Cerne, ferum vicit scelerata Leana Leonem,
 Vnanimisque feram vincit vtramque furor.
 Imperat (insanam quis vertitur ordo per aulam?)
 Quam decet obsequium ferre, superba nurus.
 Hinc sceleri fundus, crudi que doloris amaror;
 Hinc fons triste rubens iste cruoris ijt.
 Conscius hinc probri rubor, opprobriumque coronæ,
 Hinc furor ad ferrum; deque furore scelus.
 Hinc ad pocla (nefas) sitis ingeniosa cruoris.
 Quam calido placat mors scelerata mero.

Thyas

Thyas enim turpes sat vt egit adultera ludos,
 Attenuat molli sibila verba sono.
 Vox medico rictu, modicis it vtrimque lacunis,
 It risus, roseis it Charis ipsa labris,
 Vipereoque fluit scelerata suada labello,
 Corda trahit formæ gratia rara suæ.
 Præradiat fronti (sed frons ebur ista) pyropus,
 Stantque leui volucres in statione comæ.
 Anulus articulos ceu parua corona, decoro,
 Claudat in orbe, manus cui sit vt albus onyx.
 Quid loquar? vt byssus claris oculata Smaragdis,
 Vtque sub impuro corde monile micat!
 Aurea zona latus teretem castigat in orbem;
 Iunceaque anguineis stringit imago modis.
 Et sonat armillis dextrâ leuâque lacertus,
 Purpureoque iacens in pede gemma gemit,
 Immemor an taceam, radiante superba mitellâ
 Tempora, quæque graui bacca sub aure nitet;
 Hæc monstri facies, blandi persona furoris.
 Cui stola cara; decus vile sed ipse pudor.
 Arma vides, queis lena duces expugnat, & aulas,
 Pugna sed hæc molles vincet inerma viros.
 Ferrea texta latus, pectus fac duræt ahenus
 Umbo micans ferro, prægrauet hasta manum;
 Nil aget imbellem quisquis vir pugnat in hostem,
 Blandus vbi telis cor petit hostis amor.
 Sic vbi sub molli bysso blanditur & auro,
 Vincis Idumæum Tyndari lena Parin.
 Non Troiæ parit ille rogos (fors fabula Troia est (a))
 Sed rapit ah! toto grandius orbe decus.
 (a) Troia fuerit necne, docti disputant. quam-
 quam cum Saliano potius crediderim extitisse circa
 tempora Iudicium.

Elegia